

Na osnovu člana 18. Zakona o predškolskom odgoju i obrazovanju ("Službene novine Tuzlanskog kantona" broj 12/09, 8/11 10/13 i 8/18), člana 9. Pravilnika o prijemu djece u Ustanovu broj:2627/2019 i člana 27. Pravila Javne ustanove za predškolski odgoj i obrazovanje "Naše dijete" Tuzla, te Odluke Upravnog odbora o utvrđivanju kriterija za upis djece broj: 02-34-1862/21 od 31.05.2021. godine, direktor Ustanove objavljuje

O G L A S

ZA PRIJEM I UPIS DJECE U JAVNU USTANOVU ZA PREDŠKOLSKI ODGOJ I OBRAZOVANJE „NAŠE DIJETE“ ZA PEDAGOŠKU 2021/2022. GODINU

Poštovani roditelji,

Obavještavamo Vas da od 01.06.2021. godine počinje upisni rok u Javnu ustanovu za predškolski odgoj i obrazovanje "Naše dijete" Tuzla i traje do 18.06.2021.godine.

Zbog velikog interesovanja korisnika za korištenje naših usluga, molimo da na vrijeme podnesete zahtjev i osigurate mjesto za Vaše mališane.

Ukupan broj djece za prijem u predškolsku ustanovu je 1170 raspoređenih u 43 odgojne grupe.

I Upis se vrši u vrtiće: Pčelica, Poletarac, Jelenko, Ciciban, Bambi, Zeko, Snjeguljica, Lastavica, Kolibri, Sunčica i Zvončica:

1. Cjelodnevni boravak u radnom vremenu od 06,00-17,00 sati će se organizovati u svim vrtićima.
2. Poludnevni boravak u radnom vremenu od 07,00-12,00 ili od 08,00-13,00 sati koji će se odvijati u svim vrtićima iz tačke I ovog stava, osim za djecu u Programu produženog boravka (školski uzrast).
3. Produženi boravak za djecu I i II razreda osnovne škole će biti organizovan u vrtićima, kako slijedi:

- Vrtić Pčelica – za osnovnu školu „Tušanj“
- Vrtić Sunčica – za osnovnu školu „Brčanska Malta“
- Vrtić Kolibri – za osnovnu školu „Jala“
- Vrtić Lastavica – za osnovnu školu „Centar“ i osnovnu školu „Sveti Franjo“ (KŠC)
- Vrtić Bambi – za osnovnu školu „Jala“
- Vrtić Zeko – za osnovnu školu „Novi Grad“
- Vrtić Jelenko – za osnovnu školu „Mejdan“
- Vrtić Ciciban – za osnovnu školu „Miladije“
- Vrtić Poletarac – za osnovnu školu „Pazar“
- Vrtić Zvončica – za osnovnu školu „Gornja Tuzla“.

Odgojne grupe će biti formirane u skladu sa Pedagoškim standardima vodeći računa o brojnosti i uzrastu djece.

II Programi iz tačke 1. i tačke 2. prethodnog stava će biti organizovan kao:

- **Jasličke grupe (djeca uzrasta od 6 mjeseci do 3 godine)** u vrtićima: Pčelica (naselje Irac), Poletarac (naselje Slatina), Sunčica (naselje Brčanska Malta), Kolibri(naselje Štupine) i Snjeguljica (naselje Bulevar);
- **Vrtićke grupe (djeca uzrasta od 3 godine do polaska u osnovnu školu)** u svim vrtićima Ustanove.

III U okviru dnevnog boravka realizovat će se Cjeloviti razvojni program, specijalizirani programi prema interesima korisnika usluga, kao i program Produženog boravka za djecu prvog i drugog razreda osnovne škole.

IV Na oglas se mogu prijaviti zainteresovani roditelji koji žele koristiti usluge Javne ustanove za predškolski odgoj i obrazovanje „Naše dijete“ Tuzla od 01.09.2021. godine.

V Uz prijavu na oglas potrebno je dostaviti:

Za ranije korisnike usluga obavezna je sljedeća dokumentacija:

1. Uredno popunjen obrazac Zahtjeva za upis

Za djecu koja se upisuju prvi put obavezna je sljedeća dokumentacija:

1. Uredno popunjen obrazac Zahtjeva za upis
2. Izvod iz matične knjige rođenih za dijete/djecu (original ili ovjerena kopija)

Prioritet kod prijema i dodatna dokumentacija kojom se dokazuju prednosti pri upisu (raniji korisnici usluga i novi korisnici)

1. Prioritet kod prijema imaju:
 - a) djeca koja su u prethodnoj godini redovno koristila usluge, te ranije nije vršen raskid ugovora radi nepoštivanja ugovorenih obaveza od strane korisnika usluga i djeca podnosioca prijave za upis koji nemaju neizmirenih obaveza na dan 31.05. tekuće godine, osim u okolnostima koje nisu uzrokovane krivicom Ustanove ili korisnika usluga (stanje nesreće, pandemija, havarija i sl.), a utiču na relevantnost datog podatka, gdje će se samo uzimati u obzir podatak o upisanoj djeci sa 31.5. tekuće godine." - dokumentacija i arhiva JU „Naše dijete“ Tuzla;
 - b) djeca bez roditeljskog staranja - uvjerenje Centra za socijalni rad o pripadanju kategoriji;
 - c) djeca samohranog roditelja - smrtni list ili rješenje nadležnih organa u pogledu dokazivanja
 - d) djeca roditelja kojima je priznat status neke od kategorija po osnovu dopunskih prava boraca i članova njihovih porodica u skladu sa Zakonom o pravima boraca i članova njihovih porodica, civilnih žrtava rata, neratnihinvalida – Rješenje općinskih službi za boračka pitanja o dokazivanju statusa;
 - e) roditelji sa dvoje ili više djece- dokumentacija i arhiva JU „Naše dijete“ Tuzla ;
 - f) djeca koja se nalaze na listi čekanja na dan 31.05. tekuće godine - dokumentacija i arhiva JU „Naše dijete“ Tuzla ;
 - g) djeca koja imaju prebivalište u općini u kojoj se nalazi vrtić - obrazac prebivališta CIPS ili PBA3 obrazac.
2. Radi ostvarivanja prava prvenstva i bodovanja po određenom kriteriju, osim iz tačke a) i e), podnosilac zahtjeva se obavezuje za blagovremeno dostavljanje relevantnih dokaza preciziranih javnim pozivom u tu svrhu.
3. Kriterije iz tačke a) i e) provjerava Komisija prilikom analize i bodovanja svakog zahtjeva za upis djeteta pojedinačno prema službenim evidencijama davaoca usluga (Ustanove).

VI Prijem djece će se izvršiti u skladu sa odredbama Pravila Ustanove i Pravilnika o prijemu djece u Javnu Ustanovu za predškolski odgoj i obrazovanje „Naše dijete“ Tuzla na osnovu kojeg će se vršiti bodovanje za svako dijete pojedinačno.

Navedene okolnosti se dokazuju adekvatnom dokumentacijom sadržanom u tački 5. Oglasa.

U slučaju nedostavljanja traženih dokaza podnosilac zahtjeva ne ostvaruje prednost pri upisu po datom kriteriju iz tačke 5.

VII Oglas ostaje otvoren do 18.06.2021. godine

Podnosioci čiji zahtjevi nisu odobreni zbog preokobrojnosti, a ispunjavaju sve formalno-pravne uslove teksta Javnog oglasa uvrštavaju se na listu čekanja te se razmatraju i rješavaju tokom godine ukoliko se pojave slobodna mjesta u željenom vrtiću.

VIII Prijave sa potpunom dokumentacijom dostaviti u Službu za pravne, kadrovske i opće poslove Ustanove, vrtić "Pčelica", ul. Krečanska broj 3. (naselje Irac) u Tuzli (od 07,00 – 16,00 sati).

Svi podnosioci zahtjeva prilikom predaje zahtjeva na protokol Ustanove dužni su nositi zaštitnu opremu (maske) u skladu sa propisanim mjerama zaštite.

IX Nepotpune i neblagovremene prijave neće se uzeti u razmatranje.

X Podnosioci koji nisu zadovoljni Odlukom komisije mogu uložiti žalbu Upravnom odboru Ustanove u roku od osam (8) dana od dana objave rezultata.

Za sve dodatne informacije molimo da nas kontaktirate na tel: 369-921 i 369-928.

**JAVNA USTANOVA ZA PREDŠKOLSKI ODGOJ I OBRAZOVANJE
"NAŠE DIJETE" TUZLA**

DIREKTOR
Karić
Sanja Karić, dipl.iur.
Broj: 01- 34-1869/2021.
Datum: 01.06.2021. godine